

EW NOMOPUNG

A AWORA UKUKUN ENGON ME NIMU NGOROU CHANA (\$15,000) REN FAN ASENGESIN KOUTAAN EW KOPAAN FOR TAKA NON CHUUK.


EPWE PUNG ME REN EWE TRUK DISTRICT LEGISLATURE PWE:


Tetten 1. Kaworen Moni. Iei a kawor ukukun engon me nimu ngorou chana (\$15,000) seni ewe Monienapen Legislature, ren fan asengesin koutaan ew kopaan for taka non Chuuk. Ei moni mei kawor epwe aninnisin ewe moni mei kawor me ren ewe Micronesian Coconut Processing Authority.

Tetten 2. Tumunun Moni. Ewe Micronesia Coconut Processing Authority, iei a mumuta ngeni an epwe wisen tumunu ei moni mei kawor. Ewe Authority epwe pwan awora repotun nounoun me mwokutukutun ei mani ngeni ewe Legislature fansoun a wes koutaan ewe imw ika fansoun a iteno ewe moni, neir chok ekka a akkom ne fis.

Tetten 3. Niwinsefanin Moni. Met ukukun nussun ei moni mei kawor esemwo it ne nounou ika nussunno tori non September 30, 1977, epwe niwinsefaniti ewe Monienapen Legislature.

Tetten 4. Poputan Pochokunan. Ei Nomopung epwe poputa pochokunan fansoun chok an a kapungunno me ren ewe Kepina non Chuuk, ika fansoun chok an a pusin winit i annuk inamwo ika ewe Kepina esemwo chiwen apunganno.

Annetata: 
Datasy Albert
Legislative Clerk/Secretary
Truk District Legislature

Sain seni: 
Koichi Sana, Speaker
Truk District Legislature

Pwinin maram: 7/29/76

A kapungunno seni: 
Mitaro S. Danis
District Administrator, Truk

Pwinin maram: 8/16/76